



**A** Dam Vuernherus in Franconia natus atque in literarum rudimentis educatus fuit. Is postea literarum causa sese Heidelbergam contulit, atque in uirum doctum euasit. Erat Philosophus, Orator, Poëta, Iureconsultus, & Theologus eximius, præterea multis uirtutibus & singulari facūdia præditus. Itaque in eodem Gymnasio in professorum Collegium adoptatus, Cæsarei iuris clarissimus interpretis factus est. Postea autem anno millesimo quadingentesimo nonagesimo secundo Palatinus elector Philippus eum filiorum suorum pædagogū asciuit, & multa liberalitate profecutus fuit. Scripsit is soluta & ligata oratione uarios tractatus,

quibus ingenij sui monumenta illustrauit. Tandem uerò annis & laboribus exhaustus Heidelbergæ discessit, atque in ecclesia sancti Spiritus sepultus quiescit. Trithemius.